



Future-proofing our children

Sekolo sa Tshipi 3

Setlhogo

Joseph o a rekisiwa

Mokaedi wa batsadi
Sekolo sa Tshipi ithutelo lapeng



Go Motsadi

O amogelesegile mo “**Joseph o a rekisiwa**” Thuto ya sekolo sa tshipi.

Mokwalo o o go fa thutuntsho e potlana gore o ka ruta jang thuto e

O ka ipaakanya le go ruta thuto e jang

Fa tlase ke maele a go ipaakanya le go ruta thuto e

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. • Setshwantsho sa motshikhinyego se se leng thuso e nngwe • Katakasima le Dipotso le dikgarabo (bogolo jang ban aba sekolo sa Tshipi) <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45 .</i> 2.3: Thuto e lebaganye (Bana ba sekolo sa Tshipi). 2.4: O ka kopa thuso mo morutabana wa gago wa sekolo sa tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.



4.	Dira seemo se se siameng, se se senang dikgoreletsi se wena le bana/ngwana le leng fa go tshwanang. Sekai: Nnang mo phateng.
5.	Bala thuto. E bale gape gore o e tlhologanye. Lebelela setshwantsho sa motshikinyego go re o tlhologanye botoka.
6.	Kwala dintlha tsa botlhokwa tse o batlang go di gakologelwa.

Go ruta thuto ya batlhomamisiwa mo lapeng

O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhologanya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto jaaka polelo, o ka nna wa bala.
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS .
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng



Thuto

Setlhogo	Joseph o a rekisiwa
Temo	Genesis 37: 12-36
Maikaelelo a thuto	Bana ba ithuta gore lefufa le kilo di ka nna le maduo a sa siamang. Ba ithute gore Modimo o letlelela dilo tse di fetlang dikakanyo tsa rona, mme o nna a le gaufi le baba mo tshephang.

Tshoboko ya thuto:

Thuto e remeletse mo go reng ga re nke re tlhaloganya dilo tse di re diragalelang, mme Modimo o na le rona.

- Jacob a romela Joseph go ya go tlhola bo mogolowe ko madisong gore a ba siame.
- Joseph o ne a itumetse fa a bona bo mogolowe, mme bone ba ne ba fufega fa ba mmona baba bar era go mmolaya.
- Reuben, e leng ene yo mogolwane a leka go ba kganela. “Le seka la tsholola madi, mo latlheleng mo Sedibeng a ntse a tshela”. Ba ne ba dumela. Reuben o ne a ikaeletse gore morago o tla tla go golola Joseph, fa ba bangwe ba robetse.
- Fa Joseph a fitlha ko go bo mogolowe ba kgagola diaparo tsa gagwe tse disha mme bam o latlhela mo Sedibeng se se kgadileng.
- Fa ba santse ba ja ba bona setlhopha sa ma Ishmael ba ya Egypt. Judah, a ray abo mogolowe a re: “A re seka ra bolaya Joseph, a re mo rekisetseng batho ba.” Ba ne ba ntsha Joseph mo Sedibeng mme bamo rekisa ka diselefera di le 20.
- Reuben o ne a seyo fa ba dira jalo, mme fa a sa bone Joseph a ikgagola diaparo ka gore ga kgona go mmoloka.
- Ba ne ba tsaya diaparo tsa ga Joseph ba di tsenya mo madding a podi e ba e bolaileng. Ba ne ba isa diaparo tsa teng ko go Jacob bam o ray aba re Joseph o bolailwe ke diphologolo tsa naga. Jacob o ne a hutsafala thata mme a lelela ngwana wa gagwe ka lobaka lo lo leele.
- Mme ko Egypt, Joseph o ne a rekisiwa e le lekgoba.



Thuto e re ruta eng?

- Ka lefufa la bone, bo mogolowe Joseph ba ne ba batla go mmolaya, mme Modimo wa mo sireletsa ba felela bam o rekisitse.
- Ga se ka nako tsotlhe tse Morena a sireletsang bana ba gagwe mo dikotsing, mme o nna teng go ba gomotsa.
- Dilo tsa ga Joseph di ne di sa mo tsamaele sentle, Mme Modimo o ne o nna o le gaufi nae, le fa ene a ne a sa bone. Morena o ne a batla go mmabalela le go mo segofatsa.
- Modimo o nna a na le baba mo tshephang. Le fa re sa tlhaloganye gore ke eng dilo tse di bosula di re diragalela, re itse gore re tshwanetse go tshepha Modimo ka gore wa re rata.

Gakologelwa gore Modimo o batla go re babalela le go re segofatsa. Le fa re sa tlhaloganye tse a di dirang.

Dipotso tse re ka di botsang:

1. **Botsa bana gore ba ne ba ka ikutlwa jang fa ba latlhelwa ke bo mogolowe mo sedibeng.**
A: A bana ba arabe
2. **Bua le bana gore lefufa le kilo di ka dira gore re dire dilo tse di bosula. Bangwe ba felela mo kgolegelong, are lekeng ka nako tsotlhe go ratana. Modimo o re rata rotlhe e bile o batla go re babalela.**
3. **Botsa bana gore Modimo o babaletse Joseph jang?**
A: Re ruta bana gore mo dilong tsotlhe tse di diragaletseng Joseph, Modimo o ne wa mmabalela. Modimo o dirile gore bo mogolowe ba seka ba mmolaya. Morago re tla ithuta gore tse tsotlhe di diregile jang.

Thapelo ya ga Rre le Mme go rapela pele ga thuto:

Modimo o rategang, re lebogela letsatsi le.

Re segofatse rotlhe.

A re utlwe go nna teng gag ago

Segofatsa thuto e re tla nnang le yone

Re gakolole gore mo diemong tsholhe re ka go rapela.

Re thuse go nna re leboga le tsholofetso ya gore kagiso ya gago e tla aga mo go rona.



Romela Jeso ngo tla go re tsaya

Re bo re ipaakanyeditse go mo kgatantsha

Mo leineng la Jeso

Amen